

### **Naqqiut**

Aappassaaneerinissamut akissuteqaat, 20. april 2026-meersoq taarserpaa.  
(Sanaartornermut Ataatsimiititaliap ilassutitut isumaliutissiissutaanut oqaaseqaat  
ilanngunneqarpoq)

**Meeqqat 18-inik ukioqalernissami tungaanut pisortat ingerlataannik angalatitsiviit aqputigalugit angalasussaatillutik meeqqatut akeqalernissaat, aningaasatigut qanoq naleqassanersoq Naalakkersuisut misissuinissaannik Inatsisartut aalajangiiffigisassatut siunnersuut. Misissuineq meeqqat akikinnermik angalasarnerannut malittarisassat allanngartinnissaannik tunngaviliissaaq, kingusinnerpaammilu UPA2026-mi inatsisartunut saqqummiunneqassalluni.**

(Inatsisartunut ilaasortaq Jens NapätôK, Naleraq)

**Soraarninngornikut pisortat ingerlataannik angalatitsiviit aqputigalugit akikinnerusumik angalasinnaanerat ukioq naallugu atuutilerpat aammalu soraarnerussutisiaqartunut billetsit ukioq kaajallallugu killeqanngitsumik pisiassaasinnaalerpata, soraarnerussutisiaqartut akikinnerusumik angalasarnerannut malittarisassat allanngartinnissaat siunertaralugu, qanoq naleqassanersoq Naalakkersuisut misissuinissaannik Inatsisartut aalajangiiffigisassatut siunnersuut. Misissuineq kingusinnerpaamik UPA2026-mi inatsisartunut saqqummiunneqassaaq.**

(Inatsisartunut ilaasortaq Jens NapätôK, Naleraq)

### **Akissuteqaat**

(Ineqarnermut, Attaveqaasersuutinut, Isorliunerusunut Upalungaarsimanermullu Naalakkersuisoq)

### **Aappassaaneerneqarnera**

Naalakkersuisut sinnerlugit Sanaartornermut Ataatsimiititaliap sukumiisumik isumaliutissiissuteqarneranut qujavunga.

Naalakkersuisunit naammagisimaarlugu paasivarput siunnersuuteqartup siunnersuutaata saqqummiunneqartup akuerineqarnissaa ataatsimiititaliap inassutigigaa.

Ataatsimiititaliap oqaatigaa Nuummi mittarfiup ammarneqarnerani aammalu Ilulissani Qaqortumilu mittarfiit atorneqalerneranni nunarput allanngoriartornermi inissisimasoq. Naalakkersuisunit taamatut isummorsoneq isumaqatigaarput.

Siunissami ilaasunik angallassineq pineqartillugu aaqqiissutissaasinnaasut periarfissaasinnaasullu qulaajarneqarnissaat pisariaqartinneqartoq Naalakkersuisunit ataatsimiititaliaq isumaqatigaarput.

Siunnersuummi allassimavoq, misissuineq kingusinnerpaamik UPA2026-p naanerani saqqummiunneqassasoq. Suliaq peqqissaarullugu suliarineqassasoq, soqutigisallillu akuutinneqassasut kissaatigaara. Tamanna piffissamik atuiffiussaaq. UPA2026 aallarereeratsigu taarsiullugu Naalakkersuisunit siunnersuutigaarput, misissuinerit UPA2027-mut piareersimasinnaassasut, taamaalilluni taasissutigineqartussa qulluuttut oqaasertalerneqassasoq:

**Meeqqat 18-inik ukioqalernissami tungaanut pisortat ingerlataannik angalatitsiviit aqputigalugit angalasussaattillutik meeqqatut akeqalernissaat, aningaasatigut qanoq naleqassanersoq Naalakkersuisut misissuinissaannik Inatsisartut aalajangiiffigisassatut siunnersuut. Misissuineq meeqqat akikinnermik angalasarnerannut malittarisassat allanngortinnissaannik tunngaviliissaaq, kingusinnerpaammilu UPA2027-mi inatsisartunut saqqummiunneqassalluni**

Aamma

**Soraarninngornikut pisortat ingerlataannik angalatitsiviit aqputigalugit akikinnerusumik angalasinnaanerat ukioq naallugu atuutilerpat aammalu soraarnerussutisiaqartunut billetsit ukioq kaajallallugu killeqanngitsumik pisiassaasinnaalerpata, soraarnerussutisiaqartut akikinnerusumik angalasarnerannut malittarisassat allanngortinnissaat siunertaralugu, qanoq naleqassanersoq Naalakkersuisut misissuinissaannik Inatsisartut aalajangiiffigisassatut siunnersuut. Misissuineq kingusinnerpaamik UPA2027-mi inatsisartunut saqqummiunneqassaaq.**

Sanaartornermut Ataatsimiititaliaq allannguutissatut siunnersuutini saqqummiussinermit atatillugu ilassutitut isumaliutissiissuteqarpoq, tassani ataatsimiititaliami amerlanerussuteqartut, Demokraatit, Inuit Ataqtigiit aamma Atassutip ilaasortaataanneersut, allannguutissatut siunnersuutit marluusut tamaasa akuerineqarnissaat inassutigalugu.

Naalakkersuisut sinnerlugit ataatsimiititaliaq peqqissaartumik suliarinninneranut qutsavigeqqippara.

Taamatut naatsumik oqaaseqarluta Naalakkersuisunit Inatsisartut kajumittumik suliarinninnissaat qilanaaraarput.